

Kc
3008



Wd. 24.



Q. D. B. V.
REPETITIONUM COLLEGII
AD INSTIT. JUR. IMPERIAL.
DISPUTATIO SEXTA
DE
TESTAMENTIS

ET
HEREDIBUS INSTITUENDIS,

Ex
Tit. X. & c. usq; ad XIX. inclusive

Lib. II. Instit. Jur.

THESES XXXIIIX. Continens;

Quam
AUTORITATE ET CONSENSU
MAGNIFICI IURATORUM ORDINIS

IN ILLUSTRIS HAC UNIVERSITATE VIADRINA,
PRÆSIDE

DN. MARCO RHODIO, J. U. D.

COD. JUSTIN. PROFESS. PUBL. ORDIN.

DOMINO PATRONO, AC PROMOTORE SUO MULTIS NO-
MINIBUS DEVENERANDO,


IN AUDITORIO JURIS-CONSULTORUM

Publicæ Eruditorum disquisitioni submittit

ABRAHAMUS HINS / Regiomont. Prussus,

Ad Diem XVII. Oct. An. MDCCLXXXIV. horis antemerid.

Francofurti ad Oderam, Typis CHRISTOPHORI ZEITLERI.



Q. D. B. V.

De

TESTAMENTIS & HEREDIBUS IN-
STITUENDIS.

Ingressus.

Modi acquirendi, sive Gentium sive Civi-
lis Juris, ab Imperatore Justiniano in
primis Legum ipsius cunabulis expositi
principio, qui sunt rerum singularum.
Hinc sequuntur, quibus integra univer-
sitas nostra evadit, potissimum ex Ro-
mani Juris singulari dispositione, Dispositione v. g.
ultimarum voluntatum, quæ summi favoris ubique
sunt, & successione legitimâ, aliâs ab intestato dictâ.
Illa verò præcedit adeò, ut, quoad ejus modò spes ali-
qua superest, hujus ratio nulla habeatur. De *Testa-
mentis* igitur & *Heredibus instituendis*, sive primi, sive
secundi, vel ulterioris ordinis sint, non inscitè primò
loco agitur, ubi modos acquirendi per universitatem
sacratissimus Imperator persequi occipit. Atq; hæc
Juris nobilissima pars, ut per *Tit. 10. & c. usq; ad 19. in-
clusive Lib. 2. Instit. Imperialium* dispersa: ita à me, quo-
ad præcipua ejus controversiarum capita, publicatis
hîc *sequentibus Thesis*, quò potuit fieri compendio,

A 2

Eru-

Eruditorum censuræ modestè submissa. Ex quo conatu nullam quidem gloriam, ut quâ is indignus: sed hoc unum, ne ab Academico ejusmodi exercitio, pro Collegii nostri privati, cui eâ fini nomen dedi, instituto, penitus alienus esse videar, exspecto.

THESIS I.

Testamentum est Voluntatis nostræ justa sententia, de omni eo, quod quis post mortem suam fieri velit.

L. 1. ff. qui testament. fac. poss. Struv. Exercit. 32. th. 4. Strauch. Dissert. 9. th. 4. Schneidevv. ad J. de Testam. ord. Harprecht ad Inst. h. t. Sinold. Schüz Disp. 8. th. 2. Bachov. ad Treutl. Vol. 2. Disp. 10. th. 1. Lit. B.

II.

Idem est juris Gentium; at formâ, quâ hodie utimur, juris Civilis.

§. 1. 2. 3. & 4. J. de Test. ord. Ungepaur. Exerc. 8. qu. 1. pr. vers. quos autem. Inst. de bon. poss. Strauch. Dissert. 9. th. 4. Struv. Exercit. 32. n. 3. L. 1. C. de SS. Eccl. L. 13. C. de Testam Wissenb. ad Instit. Disp. 17. th. 6. Vinnius ad Inst. h. t. n. 3. Magnif. D. Stryk. in annotat. ad Instit. § 1. h. t.

III.

Abrogato triplici Testamentorum genere, sc. 1. calatis comitiis, 2. procinctum quod dicebatur, ac 3. per æs & libram; Testamentum est vel publicum, vel privatum, hocq; vel solenne, vel minùs solenne.

dd. § §. Strauch Dissert. 9. th. 5. Ludvv. Disp. 7. th. 3. Jus Prut. lib. 5. tit. 1. art. 1. & 2. Eckolt. ad L. 1. ff. qui test. fac. possunt.

IV. Illud

IV.

Illud quoniam uno eodemque tempore ac uno contextu fieri debet, vitiatur, si a-ctus alienus, qui ad testamentum nihil pertinet, intermiscetur, nisi fortè respiciat naturæ necessitatem, v. g. si portio testatori offerenda, vel medicamentum ad curam corporis adhibendum.

§. 3. *f. eod.* Wissenb. d. l. th. 10. 11. Eckolt. ad L. 1. ff. h. t. L. 21. §. 2. ff. h. t. L. 21. & 28. C. eod. Fachin. §. Contr. 32. Harprecht ad h. t. Arum. Exerc. 7. th. 18. L. Qui testamento. 20. §. & veteres. 8. L. heredes palam. 21. §. ult. h. t. L. cum antiquitas. 28. C. eod. L. hac consultissima. 21. C. eod. Jus Prut. lib. 5. Tit. 1. art. 2. Mynsinger. ad f. h. t. §. 3. n. 3.

V.

Septem omninò testes specialiter rogati in testamento solenni sunt adhibendi.

§. 3. *Inst. de Testam. Ord. l. cum antiquitas 28. §. cum autem. 1. l. 30. C. de Testam. Auth Rogati. C. de Testibus L. 21. §. pen. ff. h. tit. R. f. de Ao. 1512. Tit. von Testamenten §. und sollen & c. Jus Prut. dict. l. Mynsinger. h. t. §. sed cum paulatim. n. 5. Ungep. ad l. Exerc. 8. qu. 2.*

VI.

Testes & animo & corpore præsentés testamentum subscribere & signare debent; hinc si quis ex testibus nec ipse, nec per alium testem nomen suum subscripserit, verùm signaverit, idem est, ac si adhibitus non esset.

§ 3. l. h. t. l. 21. l. 30. C. de Testam. Vinnius ad §. 3. f. h. t. Jus Prut.
d. l. §. 5. Mynsinger. d. l. Conf. Manz. quest. Palatinar. 32. num. 4. &
seqq.

VII.

Quemadmodum foeminae ab omni-
bus officiis civilibus vel publicis remotae
sunt: ita nec in Testamento solenni testes
esse possunt. Quamvis si testimonii dictio
sit veritatis, non verò solennitatis, earum
testimonium admittatur.

§. 6. l. h. t. l. 20. § mulier ff. eod. l. 18. ff. de Testib. Vid Ord. l. t. Von
Unterricht der Notarien. §. die Notarii Bachov. ad Treutl. Vol. 2.
Disp. 10. th. 4. lit. F.

VIII.

Nihil hodie interest, sive annulo, sive
alio signo testis signaverit, dummodò illud
adhibuerit signum, quo plurimùm uti-
tur.

Magnif. D. Stryk. in annot. ad §. 5. l. h. t. Harpr. ad l. t. Arum.
Exerc. 7. th. 27. Ungep. Exerc. 8. quest. 3. Mynsing. ad §. possunt, §. n. 3.
f. h. t. Dn. Brunn. Exerc. 10. ad h. §. Vid. Ordin. Notar. de Ao. 1512. ib:
mit ihren gewöhnlichen Signeten.

IX.

Testamentum à Parentibus inter libe-
ros ex justo matrimonio procreatos fa-
ctum, licet imperfectum sit ratione solen-
nitatis publicae, valet nihilominus, modò
perfectum sit ratione voluntatis.

L. 16.

*L. 16. l. fin. C. famil. hercisc. l. 21. §. 1. & Auth. Quod sine. C. de Te-
stament. Gail, 2, obs. 112. n. 2. & 8. Nov. 107. cap. 1. Fachin. 4. Con-
trou. 1.*

X.

Juri ac æquitati maximè consentane-
um est, ut is, qui pro Republ. duritiem su-
stinet, præ aliis, privilegiis gaudeat; Hinc
non solùm de Jure Civ., verùm etiam ho-
diernis Constitutionibus milites, qui in
conflictu sunt, quocunque modo ipsis pla-
cuerit, testari possunt, & si vel in Clypeò
vel vaginà sanguine rutilantibus literis,
vel etiam in pulvere ultimam voluntatem
scripserint, nihilominus valet, dummodo
de voluntate ipsorum constet.

*Pr. J. de milit. Test. l. 1. ff. l. 15. C. h. t. Const. Maxim. I. Zum Un-
terricht der Notarien / Rubr. von Testamenten §. und sollen. Berens
Disput. 6. th. 2. quest. 2. & 3. Struv. ad ff. Exercit. 34. th. 4. Schneidevv.
h. t. n. 8. Gail. 2. obs. 118. Arum. Exerc. 7. th. 8.*

XI.

Isti verò milites, qui in conflictu, aut
in expeditione non sunt, sed in hybernis
constituti, privilegio testandi militari
non gaudent; Aliter tamen se res habet, si
hostis sit in propinquo, & illi quovis mo-
mento ad pugnam parati esse debeant.

*Pr. ibi: Illis autem temporibus I. de milit. Test. l. pen. C. h. tit.
R. J.*

R. f. c. §. und soll. verb. Jedoch die Ritter. &c. Carpz. P. 3. C. 4. def. 28.
Finckelth. obs. 46.

XII.

Filiusfamiliâs adhuc in sacris Paren-
tum constitutus nec Patre consentiente
testari potest;ultima enim voluntas nec de-
bet pendere ex alieno arbitrio: si verò fi-
lius bona castrensia vel quasi castrensia ha-
beat, de iis testari potest, non verò de ad-
ventitiis.

*Pr. l. quibus non est perm. fac. test. Vinnius in Comment. ad h. t.
l. 32. ff. de hered. inst. l. ult. §. 5. C. de bon. quæ lib. l. pen. C. qui testm. fac.
poss. Brunn. ad l. fin C de bon quæ lib. n. 20. & seqq. Jus Prut lib. 5. Tit.
1. art. 1. §. 5.*

XIII.

Prodigus, à Magistratu pro tali decla-
ratus, testari prohibetur; nam furioso æ-
quiparatur, ac furiosum facit rerum sua-
rum exitum: quando autem per testamen-
tum conditionem suam reddit meliorem,
vel etiam posteritati bene prospicit, nil ob-
stat, quin testari possit.

*§. 2. Inst. quib. non est perm. fac. test. l. 12. in f. ff. de Tut. & Curat.
dat. Carpz. Jurispr. for. part. 3 Const. 6. def. 11.*

XIV.

Vasallus de Feudo in Testamento dis-
ponere non potest, ut extraneum, quoad
hoc

hoc heredem instituat; pertinet enim illud ad res alienas, de quibus testari non possumus. Et licet Dominus Feudi in illud Testamentum consenserit, valet hoc quidem, quoad Feudum novum; sed in Feudo antiquo tantum quoad præjudicium Domini: non verò agnatorum, ob jus ex investiturâ quæsitum.

1. Feud. 8. Magnif. D. Stryk. in Exam. Juris Feud. cap. 14. quest. 1.
& 2. Struv. in Syntagm. Juris Feud. cap. 9. tb. 1. Rosenth. cap. 7. concl. 4. n. 6. Jus Prut. lib. 7. Tit. 2. §. 24. Bachovius ad Treutl. Vol. 2. Disp. 10. lit. C.

XV.

Valet tamen etiam Testamentum de Feudo, si & Dominus & agnati consenserint.

Anton. Disp. 5. tb. 8. lit. E. Vult. c. 9. n. 82. Ludvv. p. 181.

XVI.

Pater filium aut expressè heredem instituire, aut nominatim exheredare debet; propterea si in Testamento eum præterierit, inutiliter testabitur.

Pr. Inst. de Exhered. lib. 1. inter cetera. 30. ff. de lib. & posth. l. 26. eod. Schneidevv. ad Inst. h. t. Sinold Schütz. ad l. ibid.

XVII.

Sicut Parentes liberos, ita filii Parentes, quando de peculio castrensi vel quasi castrensi testantur, vel expressè heredes instituire vel exheredare debent.

B

d.pr.

*d. pr. Ludvvell. Disput. 8. th. 1. cap. justum autem perspexim⁹. 4.
Nov. 115. Mynsing. ad §. nominatim Inst. de exhered. lib. Schneidevv.
ad pr. hujus tit. n. 19.*

XVIII.

Cùm hodie nemo, nisi ob ingrati-
dinem cum effectu exhæredari possit, ne-
fas est, ut posthumi, in quos nulla ingra-
tudo cadere potest, exheredentur.

*Schneidevv. ad §. Posthumi. 1. Inst. de exhered. lib. Magnif. D.
Stryk. ad F. b. t. Mantica 14. de Conject. 11. n. 13. & seqq. l. 33. §. ult. Cod.
de inoff. Testam.*

XIX.

Cœcus, si inter liberos testari velit, æ-
què gaudet privilegio, quod Parentes visu
præditi habent, in hoc actu; licet enim
hic testamentum subscribere non possit,
nuncupativè tamen, testari potest, & qui-
dem tribus testibus adhibitis.

*Magnif. D. Stryk. in Tract. de Jure Sensuum Dissertat. 2. c. 3.
Ord. Nor. §. Zu eines Blinden. §. Es ist auch nicht allein. verb.
Daß es nicht allein in einem Testament eines Blinden / sondern
auch in seinem Codicill und andern letzten Willen so solle gehalten
werden.*

XX.

Testator quidem certam personam in
Testamento heredem instituere debet; si
verò ignotam instituerit, illud non vicia-
tur, neq; si incertam, dummodò ex even-
tu certa esse possit.

*§. 12. Inst. de hered. instit. l. 9. 11. C. de hered. inst. Hunn. 2. var. ref.
tr. 5. qu. 25.*

XXI.

Quia nemo pro parte testatus, pro parte verò intestatus decedere potest, is, qui in re certâ heres est institutus, totam capit hereditatem; heres enim est successor in universum jus.

§. 5. Inst. de hered. instit. l. nihil aliud. 24 ff. de V. S. l. hereditas. 62. ff. de R. J. l. Quoties. 9. §. 4. de hered. instit. Dn. Brunn. ad §. 5. Inst. de hered. instit. Sinold. Schütz. Diss. 9. th. 5. Magnif. D. Stryk. in not. ad d. §. 5. h. t.

XXII.

Ne utile per inutile vitietur, impossibilis conditio testamento adjecta pro non scripta habetur.

§. 10. Inst. de hered. instit. l. 94. de R. J. l. 1. 6. 20. ff. de condit. instit. l. 12. §. 1. ff. de legatis. 1. l. 9. ff. de condit. instit.

XXIII.

Sicuti Testator in Testamento heredem instituere potest: ita quoq; ei, si nolit vel non possit hereditatem adire, alium substituere potest; hinc si heres institutus ob delictum aliquod heres esse non possit, Fiscum per substitutum excludit.

§. 1. Inst. de vulg. subst. arg. l. un. §. 13. C. de cad. toll. Auth. Hoc amplius. C. de Fideicom. Strauch. Dissert. 9. th. 26.

XXV.

Exspirat autem vulgaris substitutio, si

B 2

heres

heres primo gradu institutus hereditatem
adierit, vel etiam, si heres substitutus prius
moriatur.

*L. 5. C. de impub. & al. substit. arg. Lun. §. 5. C. de caduc. tollend.
Struv. Jurispr Rom. Germ. For. lib. 2. tit. 19.*

XXV.

Mater, quia liberos in potestate non
habet, nec filio impuberi pupillariter sub-
stituere potest.

*Pr. Inst. de pup. subst. §. feminae 10. I. de Adopt. Sinold. Echütz
Disp. 7. th. 18.*

XXVI.

Ad exemplum pupillaris substitutio-
nis introducta est exemplaris, quam Pa-
rentes faciunt liberis suis, qui propter fu-
rorem, vel alium morbum ingravescen-
tem, testari non possunt.

*Dd. ad §. 1. f. de pup. subst. l. 9. C. de impub. & al. subst. l. 43.
ff. d. vulg. & pup. subst. Schneidevv. ad Tit. Inst. de pup. subst. Si-
nold. Echütz. ibid. Strauch. Diss. 9. th. 29. Struv. Exerc. 33. th. 32.*

XXVII

Sicuti Testamentum aliud ab initio
non valet, uti injustum & illegitimum,
quod sc. confectum ab eo, qui non habet
facultatem testandi; vel in quo non o-
mnes solennitates adhibitæ, vel etiam li-
beri nec expressè heredes instituti, nec no-
mina-

minatim exheredati, quod etiam ipso jure nullum est: ita aliud ex postfacto infirmatur, vel ipso jure, vel officio Judicis.

Vid. Tit. Inst. quibus mod. Test. infirm. l. 1. ff. de inj. rupt. & irrit. Test. Schneidevv. ad Inst. pr. b. t. Vinnius ibid. Ludvv. Disput. 8. Th. 7. Bachov. ad Treutl. Vol. 2. Disp. 10. Th. 7. lit. A.

XXVIII.

Ipso Jure Testamentum infirmatur, quod rumpitur agnatione sui heredis, adoptione, vel per posterius Testamentum, tum etiam, si heres hereditatem adire nolit, vel Testator post Testamentum statum suum mutaverit, v. g. servus factus fuerit &c. quo casu Testamentum fit irritum.

§. 1. 2. 3. 4. Inst. quib. mod. Test. infirm. Vinnius, Mynsinger. ad b. t. l. 27. C. de Testam. l. 1. 2. ff. de injust. rupt. & c. l. 8. ff. eod. Giphanius Disput. 18. ad th. 2. 3. 4. & c.

XXIX.

Officio Judicis infirmatur Testamentum, quando liberi injustè exheredati vel præteriti querelam inofficiosi prætendunt.

Pr. Inst. de inoff. testam. Schneidevv. ad pr. hujus tit. Struv. ad ff. Exercit. 10.

XXX.

Querela inofficiosi Testamenti non incongruè dicitur esse Juris Civitis.

Pr. Inst. ibi: inductum est l. de inoff. Test. Ungep. Exercit. 8. quest. II. Hotom. in Disput. de Quartâ Legitim. c. 1 n. 3. & ad pr. Inst. d. t. ibiq. Hortens.

B 3

XXXI. Com-

XXXI.

Competit querela inofficiosi Testamenti illis, qui, cum necessario instituen- di, vel exheredandi ex justa causa, aut qui- bus legitima relinquenda fuisset, iniquè sunt exheredati, vel præteriti, vel quibus legitima debita non relicta.

§. 1. 2. Inst. de inoff. Test. Mynsing. ad h. §. Giph. Disp. 18. ad lib. 2. Inst. Strauch. Diff. 9. th. 39. Struv. Diff. 9. th. 6. Eckolt ad ff. de inoff. test. §. 4. Brunn ad Wesenb. qu. 3. h. t.

XXXII.

Posthumis quia legitima quoq; debe- tur, hinc & ipsi jure querelam inofficiosi, si fuerint præteriti, intendere possunt.

§. 2. Inst. h. t. Mynsing. ad h. §. l. posthumus. 6. ff. de inoff. test. Giph. d. l. Vinnius ad §. 2. Inst. d. t.

XXXIII.

Olim si filio ex quocunq; titulo, vel donationis, vel legati, vel alio, quid reli- ctum fuit, non poterat querelam inoffici- osi intentare; sed tantum ad supplemen- tum legitimæ agere. Jure verò novissimò non sufficit, filium legitimam habere jure donationis vel legati; sed jure institutionis omninò eam habere debet.

§. 3. & ult. Inst. h. t. l. 8. §. 6 & 8. ff. h. t. l. cum queritur. 6. l. omni modo. 30. C. eod. Nov. 115. Schneid. Vinnius ad §. 3. h. t.

XXXIV. Te-

XXXIV.

Testamentum inofficiosum quando à
Judice rescinditur, totum secundum Jus
vetus corrui: secundum jus novum verò
tantum ratione institutionis, non autem
legatorum.

*L. 8. 24. ff. de inoff. Test. Nov. 115. c. 3. in fin. Auth. ex causâ. C. de
lib. præ. Jus Prut. lib. 5. Tit. 5. art. 1. §. 9. in fin. Eckolt ad ff. de inoff.
Test. §. 8.*

XXXV.

Cessat verò querela inofficiosi, si aliud
adsit remedium, quò ad hereditatem per-
venire possimus, vel si actio inofficiosi in-
tra quinquennium non intendatur.

§. 2. Inst. h. t. l. 34. C. de inoff. test. l. 16. de minor. Gail. 2. obs. 120.

XXXVI.

Heres extraneus in Testamento institu-
tus triplici tempore hereditaris capax esse
tenetur; videlicet 1. tempore conditi testa-
menti, 2. mortis testatoris, 3. aditæ heredi-
tatis.

*§. 4. Inst. de Hered. qual. & diff. Mynf. ad h. §. l. si alienum. 49. §.
ult. in ff. de hered. inst. Schneidevv. ad d. §.*

XXXVII.

Quia sæpè delata hereditas damnosa
esse solebat, hinc Prætores propter grande
æus alienum olim deliberandi jus introdu-
xerunt,

xerunt, ut hâc ratione heres hereditatis vires explorare possit, ne damnosam rerum suarum faceret jacturam; nam si semel hereditatem adiit, omne æs alienum exsolvere tenebatur.

§. 5. Inst. de hered. qual. & diff. ibid. Mynsing. l. 5. ff. de jure delib. Eckolt. ad ff. de jure delib.

XXXVIII.

Hodie jus deliberandi in usu esse desiit: in locum autem ejus successit confectio Inventarii, quæ efficit, ut si beneficio inventarii hereditatem adierit, extra omne periculum sit. Si verò beneficium illud negligat, & sine inventario hereditatem adeat, etiam ultra vires hereditatis tenetur, imò filio legitimam quoq; amittit. Quamvis in Saxonia & passim heres licet inventarium non confecerit, ultra vires hereditatis non teneatur.

L. scimus. 22. C. de jure delib. Myns. d. l. Schneidevv. ad §. 4. Inst. h. t. Ludvvel. ibid. Eckolt ad ff. de jure delib. Sinold.

Schüs. Disp. 10. th. 20. Struv. Exerc. 33. th. 54.





Estamenta quibus rationibus & quibus
Heres

Confiant, Tituli, quos modò carpis, ha-
bent.

Carpis eos, ut Apis molles ex arbore
flores,

Sedulus egregio, quem meditare, scopo,
Dignus laude labor multùm Tibi profit, ut *Heres*.

Divitis hinc Gaudens *institulare* Domus.

Ingenii succus, quem prodis, prodit Honores,

Quos olim summos ipsa datura Themis!

Applaudit hisce paucis & gratulatur
sincera mente, Nobiliss. Dn. Re-
spondenti & Auctori Disp. hujus

PRÆSES.

HINZIUS egregio se nomine req; studentem
Comprobat exemplo; Mactus eo, opto,
fiet.

GOTHOFREDUS VALANDUS,

Fac. Phil h. r. Decanus.

Ufus Magister optimus;

P Roverbio ceu dicitur non perperam,
Huic nihil manet invium
Sensimq; mentes edocet, fraus atq; vis
Armata quod non efficit,

Ipsis

Ipsis nec imperat minus Leonibus.
Hinc mentis excolis' quoq;
Vires, *Amice*, gnaviter, feras, precor
Apollinarem Lauream.

*Eruditissimo Dno. Respondenti, Amico
Perdilecto de elegantissimo specimine
Academico gratulatur*

Anton Daniel Sonneman/J. U. D.

Testamentorum quotqvot modo jura tu
eris

Tot mentis testes inde sagacis habes
Nec vitii quid habere, juvat dixisse, laborem
Utpote continuæ sedulitatis opus,
Subscribere VIRI CLARI, signacula posthæc
Addo, nec mixti sangvinis obstat amor.

*Hisce Nobilissimo atq; Doctissimo Dno.
Respondenti Consobrino suo dilectis-
simo affectum suum debite testatur*

GEORGIUS Tezsell.



Kc 3008

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

ULB Halle 3
006 374 700



1077
[Handwritten signature]







Q. D. B. V.
REPETITIONUM COLLEGII
AD INSTIT. JUR. IMPERIAL.
DISPUTATIO SEXTA
DE
TESTAMENTIS
ET
HEREDIBUS INSTITUENDIS,
Ex
Tit. X. & c. usq; ad XIX. inclusive
Lib. II. Instit. Jur.
THESES XXXIIIX. Continens;
Quam
AUTORITATE ET CONSENSU
MAGNIFICI IURISCONSULTORUM ORDINIS
IN ILLUSTRIS HAC UNIVERSITATE VIADRINA,
PRÆSIDE
DN. MARCO RHODIO, J. U. D.
COD. JUSTIN. PROFESS. PUBL. ORDIN.
DOMINO PATRONO, AC PROMOTORE SUO MULTIS NO-
MINIBUS DEVENERANDO,
IN AUDITORIO JURIS-CONSULTORUM
Publicæ Eruditorum disquisitioni submittit
ABRAHAMUS HING / Regiomont. Prussus,
Ad Diem XVII. Oct. An. MDCCLXXXIV. horis antemerid.
Francofurti ad Oderam, Typis CHRISTOPHORI ZEITLERI.